

Dunghlanz Yen Lai Fuengsik Lwnh-gangj Minzcuz Doxgiet Baenaj

东兰县多措并举宣传民族团结进步

Bineix seiq nyied doxdaeuj, Dunghlanz Yen aeu “cauhlaeb aen yienh yienghndei minzcuz doxgiet baenaj swcigih, cukmaenh gij eiqsik caezcaemh Cunghvaz Minzcuz, angqcoux Ngeihcib Daih Aendangj” guh cawjdaez, gaenx-maenx guh baenz ndwen hozdung langhbaij minzcuz doxgiet baenaj. Aen yienh neix fat le gij fueng-anq saedguh hong lwnhgangj, dazyinx gak danhvei gak bouhmonz cauhmaq guhhong. Caiq cujciz ganbu vunlai youq 《Hagsib Giengz Guek》 daengj bingzdaiz hag lijlnu cihsiz, youq gwnz doujyinh、veihsin daengj fat sibinz, langhbaij son'gyauq minz-

cuz doxgiet. Ra bouxyienghndei, haeuj gak aen cunghyoz siujyoz son'gyauq minzcuz doxgiet, ciepcienz gihiyh hoengz daengj. Yienh neix laebdaeb caenhrengz gyamaenh gya'gyangq gij cingzcik son'gyauq lizsij aendangj, guh saedsaeh gvendaengz gwndaenj vunlai, haenqrengz cauhyuh aen daihbuenz moq minzcuz doxgiet baenaj.

(Veiz Siumyauz/韦秀苗)

► **Dunghlanz Yen guh hozdung doegsaw.**

(Veiz Yijlinz ingi)



Cinzdangz Gih Hwnqguh Aen Gungh-cwngz Doegsaw Hagdangz Song Vah

覃塘区启动双语学校阅读工程建设

Mboengqneix, Gveigangj Si Cinzdangz Gih Gyauyuz Giz hai aen hoih youq hagdangz Vahcuengh Vahgun hainduj hwnqguh aen gunghcwngz doegsaw. Aen hoih neix gangj, bi 2022 yaek youq Mungzgungh Cin Minzcuz Cogaep Cunghyoz daengj haj aen hagdangz Vahcuengh Vahgun guh aen gunghcwngz neix. Daengz bi 2025, yaekaeu guhbaenz buek ranzyawjsaw hab biucinj ndeu, gungganq ok buek lauxsae rox dazyinx lwghag caeuq buek lwghag maij、rox doegsaw ndeu, guh lai cungj hozdung doegsaw, cienzmienh daezsang gij cizlieng son'gyauq.

(Cinz Souhwngz/覃寿恒)



▲ Aen hoih hainduj youq Cinzdangz Gih hai.

Cunghsanh Yen Hai Yungh Buek Daih'it “Saunenzgungh Fukhwng” Lajmbanj 钟山县启用首批乡村“复兴少年宫”

Mboengqneix, vih guh ndei hong hwnqguh sawdiemj “saunenzgungh fukhwng” lajmbanj, Hocouh Si Cunghsanh Yen Vwnzmingzban vih “saunenzgungh fukhwng” lajmbanj buek daih'it diegde biengjbaiz. Dawz saunenzgungh gaxgonq caeuq gij hozdung Aen Cunghsinh Saedguh Vwnzmingz Seizdaih Moq doxgap, miz dieg son'gyauq lwgnyez lajmbanj, hawj gyoengqde guh'angq guhcaemz、guh vwnzyi diyyuz、guh hong daengj, gajndeih laebbaenz gij swhsiengj binjdawz lwgnyez lajmbanj, coengh rengz hwnghoengh lajmbanj.

(Cinz Yaujgez Huz Fuzyen /陈晓杰 胡福艳)

Gvansim Vunzbueg Yienfwngz Baenaj

关爱残疾人 携手向未来



▲ Vunzbueg ndaw dieggoek dox-dax guh youzcaz.

5 nyied 15 hauh dwg ngoenz bangcoengh vunzbueg daengx guek. Ngoenzde, Aen Lenzhozvei Vunzbueg Liujcouh Si caeuq Aen Lenzhozvei Vunzbueg Sanhgyangh Duncuz Swciyen youq Aen Dieggoek Doxcomz Vunzbueg Couhnieb Gyanghconh laeng Sanhgyangh guh hozdung “vunlai yienfwngz baenaj”. Gyoengq vunzbueg doxdax guh youzcaz、caijdinvenz daengj, langhbaij yienghndei gyoengqde gag roengzrengz buekguh baenaj. Geij bi neix, Sanhgyangh gaenxmaenx caeuq giyez doxgap, hawj vunzbueg miz hong guh, dawz cingzcik gunggeng duetgunz caeuq hwnghoengh lajmbanj doxdaep hwnjdaej.

(Liengz Siumingz Se Hinghangz/梁秀明 谢兴航)